



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-2-40-011-4/26**

Datum: **19.02.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica „LIGHT STONE – LAKI KAMEN“ d.o.o. Sarajevo za donošenje rješenja o vodnoj saglasnosti na projektnu dokumentaciji za odvodnju oborinskih onečišćenih voda sa lokacije pristupne saobraćajnice, koja se planira graditi na dijelu zemljištu označenom kao k.č. broj 471 i k.č. broj 472 K.O. Vogošća, naselje Malešići, općina Ilijaš, na osnovu člana 109. stav (1) tačka 2., a u vezi sa članom 12. stav (1) Zakona o vodama („Sl.novine FBiH“ broj: 70/06) i članom 200. stav (1) Zakona o upravnom postupku („Sl.novine FBiH“ broj: 2/98, 48/99 i 61/22), **donosi**

R J E Š E N J E **o vodnoj saglasnosti**

1. Daje se vodna saglasnost pravnom licu „LIGHT STONE – LAKI KAMEN“ d.o.o. Sarajevo na projektnu dokumentaciju za odvodnju oborinskih onečišćenih voda sa lokacije pristupne saobraćajnice za stambeni objekat, koja se planira graditi na dijelu zemljišta označenog kao k.č. broj 471 i k.č. broj 472 K.O. Vogošća, naselje Malešići, općina Ilijaš, u skladu sa projektnom dokumentacijom:

„Glavni projekat odvodnje pristupnog puta za stambeni objekat u mjestu Malešići – K.O. Vogošća, općina Ilijaš“, urađen od strane projektne kuće „Saraj inženjering“ d.o.o. Sarajevo, novembar 2025. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, a ista se ovjerena od strane ove Agencije vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o prethodnoj vodnoj saglasnosti:
 - 4.1. Radove na izgradnji sistema za prikupljanje i ispuštanje otpadnih voda sa predmetne lokacije izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.3. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.4. Podnosilac zahtjeva je obavezan ispoštovati uslove iz Rješenja o izdavanju urbanističkoj saglasnosti donesenog od strane Službe za prostorno uređenje i zaštitu okoliša općine Ilijaš, broj: 05/1-19-306/25 od 29.10.2025. godine.
 - 4.5. Po završenim radovima, potrebno je izvršiti uređenje pojasa u kome su vršeni radovi, tj. dovođenje kompletnog terena u prvobitno stanje.

5. Ukoliko se izvođenjem predmetnih radova ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
6. Po završetku izvođenja radova i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za vodnu dozvolu za ispuštanje otpadnih voda sa predmetne lokacije. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.
9. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice „LIGHT STONE – LAKI KAMEN“ d.o.o. Sarajevo obratilo se ovoj Agenciji sa zahtjevom za donošenje rješenja o vodnoj saglasnosti odvodnju oborinskih onečišćenih voda sa lokacije pristupne saobraćajnice za stambeni objekat, koja se planira graditi na dijelu zemljišta označenog kao k.č. broj 471 i k.č. broj 472 K.O. Vogošća, naselje Malešići, općina Ilijaš, u skladu sa projektnom dokumentacijom.

U prilogu zahtjeva podnositelj je dostavio slijedeću dokumentaciju:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-23-002295 od 13.07.2023. godine;
- Ovjerena kopija Uvjerenja o registraciji poreznog obveznika izdatog od strane Porezne uprave FBiH, Kantonalni porezni ured Sarajevo dana 24.07.2023. godine;
- Kopija Rješenja o urbanističkoj saglasnosti za izgradnju pristupne saobraćajnice ukupne dužine cca 276 m, donesenog od strane Službe za prostorno uređenje i zaštitu okoliša općine Ilijaš, broj: 05/1-19-306/25 od 29.10.2025. godine;
- Kopija Stručnog mišljenja datog od strane Zavoda za planiranje razvoja Kantona Sarajevo, broj: 03-19-2044/24 dana 13.06.2024. godine;
- Kopija Izvoda iz prostornog plana Kantona Sarajevo za period 2003-2023 godine – Zavod za planiranje Kantona Sarajevo;
- Odgovor na upit dat Službi za prostorno uređenje i zaštitu okoliša Općine Ilijaš od strane Agencije za vodno područje rijeke Save, broj: 10-678-2/25 dana 30.04.2025. godine;
- Kopija Rješenja o saglasnosti na priključak pristupnog puta za stambeni objekat, date od strane Službe za saobraćaj, stambeno-komunalne poslove i građenje Općine Ilijaš, broj: 03/2-19-1501/25 dana 15.07.2025. godine;
- Kopija Rješenja o prethodnoj vodnoj saglasnosti izdatoj od strane Agencije za vodno područje rijeke Save Sarajevo, broj: UP-1/21-1-40-226-7/25 dana 15.10.2025. godine;
- „Glavni projekat odvodnje pristupnog puta za stambeni objekat u mjestu Malešići – K.O. Vogošća, općina Ilijaš“, urađen od strane projektne kuće „Saraj inženjering“ d.o.o. Sarajevo, novembar 2025. godine;
- Dokaz o uplaćenju upravnoj pristojbi.

Nakon uvida u dostavljenu projektnu dokumentaciju utvrđeno je slijedeće:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda.

Predmetni objekat – pristupna saobraćajnica za stambeni objekat planira se graditi na zemljištu označenom kao k.č. broj 471 i 472 K.O. Vogošća, naselje Malešići, općina Ilijaš.

Parcele na kojima se planira graditi predmetni objekat se ne nalazi u poplavnom području vodotoka I kategorije, tj. rijeke Bosne, ali se dijelom nalazi u vodnom dobru vodotoka I

kategorije – rijeke Bosne. Zakonom o vodama („Sl.novine FBiH“ broj: 70/06) u članu 12. se navodi da je u vodnom dobru zabranjeno izvoditi zahvate osim izgradnje javne infrastrukture (putevi, željeznice, mostovi i sl.), te je u tom smislu gradnja predmetne saobraćajnice dozvoljena.

Za odvodnju oborinskih voda sa predmetne saobraćajnice i pripadajućih površina predviđena je izgradnja otvorenog rigola - cestovnog kanala i propusta. Projektnom dokumentacijom definisan je način prikupljanja i ispuštanja oborinskih voda sa saobraćajnice i pripadajućih površina, tako da je predviđen kombinovani otvoreni i zatvoreni sistem odvodnje kojeg će činiti asfaltni rigol sa brdske strane, a predviđeno je i prikupljanje vode preko slivnika i preko revizionih okana i kolektorskih cijevi, koji će prikupljenu vodu voditi do propusta ispod postojeće saobraćajnice i ispustiti je u rijeku Bosnu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata koje je potrebno ispuniti prilikom izvođenja predmetnih radova.


Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.inž.građ.

Po ovlaštenju
Rukovodilac sektora za izdavanje
vodnih akata

Nihad Pezo, dipl.inž.građ.

PRILOG:

- Glavni projekat odvodnje pristupnog puta za stambeni objekat u mjestu Malešići – K.O. Vogošća, općina Ilijaš, urađen od strane projektne kuće „Saraj inženjering“ d.o.o. Sarajevo, novembar 2025. godine;
- Glavni projekat pristupnog puta za stambeni objekat u mjestu Malešići, K.O. Vogošća, općina Ilijaš, urađen od strane HS Inženjering d.o.o. Sarajevo, novembar 2025. godine.

Dostaviti:

- LIGHT STONE – LAKI KAMEN d.o.o. Sarajevo, ul. Gornja Karaula bb, 71380 Ilijaš (sa prilogom)
- ⊙ ISV - vodna knjiga,
- Sektor 40 - arhiva
- Oglasna ploča AVP Sava